

筆記小說大觀

第十六冊

筆記小說大觀第十六冊目錄

香祖筆記

清·王士禎

池北偶談

清·王士禎

字觸

清·周亮工

蒿庵閑話

清·張爾岐

廣陽雜記

清·劉獻庭

淶水亭雜識

清·納蘭性德

苦瓜和尚畫語錄

清·石濤

清 王漁洋著

香祖筆記

上海進步書局印行

香祖筆記提要

是書為王漁洋所輯香祖乃其軒名凡
十二卷或議論史事得失或闡發名物
源流或抗談時事或旁及軼聞率皆精
而不膚簡而不浮彼嚮壁虛造泛濫為
豪者視此有霄壤之別

序

說部叢書昉於漢魏盛於唐宋以來夫識大識小皆載文武之道雖聖人猶學之士君子
著書立說豈苟然哉大抵人品高師法古與會佳兼是三者其立言必雅馴足以信今而
傳後他若稗史野乘摭拾浮誕不經之言用以誇示三家村農及五都市兒已耳大雅捧
腹吾無取焉阮亭王先生今世之古人也與余素心莫逆垂四十年自其同官長安日
公退之暇輒見其著書自娛殆無虛日聲詩古文而外閒隨筆為劄記要必貫串經史表
章大猷即一名一物異日可垂典故備法戒者乃錄之否則略而弗書比年有池北偶談
居易錄皇華紀聞諸書次第行世近又輯癸未迄甲申兩年筆記屬校訂為序余受而卒
業或辨駁議論得失或闡發名物源流或真書時事或旁及怪異率皆精簡而不浮如噉
蜜者中邊皆甜致有餘味又如捉松枝屢作槐香清言吐納風流雖起王何諸子於今日
無以相難也洵可謂閱覽博物君子矣往余閱益都孫文定公顏山雅記服其簡核次則
德州田少司寇黔記亦有思致二公與阮亭皆齊產庶然平心品題終當讓此尤勝筆記十
二卷香祖乃其軒名義取室有叢蘭也空谷不言無人自芳政可想見其人品耳若夫師
法古興會佳真阮亭之緒餘也夫康熙乙酉春日西陵同學宋燦撰

香祖筆記

序

香祖筆記自序

愚舊有池北偶談二十六卷刻於閩居易錄三十四卷刻於粵皆有成書士午後盡意還
京師偶有見聞筆之簡策適所居邸西軒有蘭數本花時香甚幽淡昔人謂蘭曰香祖因
以名之凡十二卷漁洋山人王士禛

清 新城王士禎胎上著

康熙四十一年壬午三月初五日。文華殿經筵。臣士禎以經筵講官刑部尚書侍文淵閣大學士吏部尚書熊賜履禮部侍郎羅察進講四書。樊遲問仁子曰愛人一節。禮部尚書韓英工部侍郎舒輅進講易經繫辭。居則觀其象而玩其辭四句講畢。賜宴太和門。

初八日。東宮會講。持敬殿。臣士禎以尚書侍班講官內閣學士禮部侍郎兼詹事府詹事宋道右春坊右諭德兼修撰沈涵進講四書親親而仁民二句。少詹事賽音布翰林院修撰胡任輿進講書經惟德惟義時乃大訓二句講畢。賜茶文華殿門。

江南道監察御史張瑗題為逆惡之罪既已正典於前朝私鑒之碑。豈宜傳流於後世。亟請乾綱勅毀以儆奸邪。以垂鑒戒事。恭聞我皇上前歲翠華南幸。命修岳飛之墓。賜題于謙之碑。誠以此二臣者忠貫日月義壯山河故特表而揚之以風示天下。夫善在必彰者則惡在所必瘳。臣奉命巡視西城前往西山一帶查閱至香山碧雲寺後峻宇綿牆。覆壓數里。鬱蔥綿亘。金碧輝煌。疑是前代王侯寢宮。詢之土人乃知為故明罪惡滔天。磔尸身後逆璫魏忠賢之墓。墓上有穹碑二。屹然並立。合書欽差總督東廠官旗辦事掌惜薪司內府供用庫尚膳監印務司禮監秉筆總督南海子提督保和等殿完。吾魏公忠賢之墓。臣觀覽之下。不禁髮指。夫魏忠賢者在故明天啟時。竊操國柄。屠毒忠良。惡貫滿盈。一時羣小皆出其門。德碑生祠。幾徧天下。神人共憤。道路以目。至崇禎初年。罪狀發露。押往祖陵。潛行自盡。磔尸河間。迄今公論在人。尚恨戮尸不足以蔽厥辜。乃畿輔近地。尚留此穢惡之蹟。僭越之制。何以儆巨惡昭大法哉。況當奉旨纂修明史之時。凡明季忠良被禍諸臣。無不立傳表揚。以彰公道。光天化日之下。豈容奸孽餘黨。膽大潑天。目無三尺。仰祈天威乾斷。勅地方有司立仆其碑。剷平其墓。俾天下後世知凶惡之徒。不能違憲典於身。前并不能保墳墓於身後。其於聖明殫惡之義。不啻炳如日星。嚴如斧鉞矣。云云。奉旨魏忠賢碑墓著交與該城官員仆毀剷平。該部知道。瑗賦詩紀事云。彰殫表天道。誅賞昭王綱。伊誰實職之。蘭臺灑秋霜。道惟鉏姦穴。庶以全善良。攬轡出都門。陟眺西山岡。廬舍匝阡陌。各各營農桑。厥俗一以樸。民氣尤悅康。榛莽化蘭蕙。無復曠射。

香祖筆記

卷一

一

狼。尋越古佛刹。紺碧何輝煌。背負諸墓碣。封樹皆貂蟻。逆關塚踰制。陵園相頡頏。碑轟霄漢。長松繞垣墻。以彼陰凶惡。萬死莫足償。揮噬繼鷹犬。湯鑊烹鸞鳳。天地盡暝晦。白日無晶光。古多寺人禍。茲禍踰漢唐。國步倏蹉跎。社稷旋淪亡。彼身已寸磔。墓胡留山陽。我見髮上指。衝冠心激昂。及此不鏖鏖。無乃忤蒼蒼。拜疏請明旨。聖德奮乾綱。碑仆墓亦毀。狐兔將安藏。堯舜除四凶。海宇稱平章。誅惡及勝國。來者心自戒。若寧瀟瀟。微瀟草木回芬芳。聊以佐史筆。憲紀于焉張。瑗字蓮若。祁門人。予辛未科南宮所取會元也。以編修改御史。一時賦詩紀事者甚眾。按工部郎中萬公燦疏云。臣於三月詣陵開工。過香山碧雲寺。見魏忠賢所營墳墓。碑石崢嶸。隧道深闊。翁仲替朝冠而環列。羊虎接駝馬以森羅。制作規模。騎驎陵寢云云。則闢國柄時自營生壙已久。特既誅之後。未有建議毀之者。故倖存至今耳。

羽紗羽緞。出海外。荷蘭暹羅諸國。康熙初入貢。止一二疋。今閩廣多有之。蓋緝百鳥。毳毛織成。子按異物彙編。唐安樂公主使尚方合百鳥毛織為裙。正視旁視各為一色。日中影中各為一色。而百鳥之形狀皆見。然則古亦有之矣。又南史齊文惠太子織孔雀毛為裘。華貴無比。武后有集翠裘。以賜倖臣。皆其類也。又滿刺加哈烈出鎮。

香祖筆記

卷一

二

被一名梭服。鳥毳為之。紋如紉綺。今閩中最多。價不甚高。非羽紗羽緞比。浙江巡撫某疏。明紹興府知府湯紹恩。於三江海口築塘建閘。旱澇無害。逮我朝定鼎。洩水驅沙。靈異尤著。禦災捍患。利益弘多。伏祈勅賜褒封祀典云云。下禮部議允行。

京師粥花者。以豐臺為最。南中所產。惟梅桂建蘭茉莉梔子之屬。近日亦有佛桑榕樹。榕在閩廣。其大有蔭一畝者。今乃小株。僅供盆盎之玩。佛桑重臺者。永昌名花。上花見荊林伐山。

鄧處士萬斯同。字季野。與其兄斯大。字充宗。同游黃太冲之門。充宗研精經學。而季野貫穿史事。於明代三百年典故。如指諸掌。史館總裁諸公。聘入京師。一切皆取衷焉。初先伯祖太師公。諱象。列傳。汪編修。現檢討。纂各有撰述。季野從實錄搜采十許事補入。視二君為詳。其所撰宋季忠義錄十二卷。一卷載恭帝端宗末帝本紀。陳仲微二王始末。二卷迄末自江萬里文天祥而下。逮劉辰翁凡四百六人。皆向來紀載所未備也。所著又有南宋六陵遺事一卷。庚申君遺事一卷。補歷代史表六十卷。歷代宰輔彙考八卷。廟制圖考四卷。河渠考十二卷。皇倫河源考二卷。儒林宗派八

卷書疑辨十二卷書學彙編二十四卷可謂通儒壬午四月歿於京邸甚可惜也
自己卯順天鄉闈 乾清門覆試舉人後直省考試官自侍郎以下概行開列恭候
欽點壬午鄉試以副都御史張睿主考陝西御史吳甫生副之吏部文選郎中陳汝
弼主考江南工科給事中黃鼎輯副之御史劉子章主考江西御史傅作楫主考浙
江翰林滿洲阿爾賽副之湖廣已海秋理評事山東滿保河南傅壽皆翰林滿洲人
山西孫致彌戊辰庶吉士副都御史御史庶吉士典鄉試自是科始

二十年來京師士大夫不復用金扇初則尚金陵仰氏伊氏素紙扇繼又尚青陽扇
武林各色夾紗扇未幾廢而不行獨尚曹氏靴扇深陽歌扇一時風會雖小物亦然
殆不可曉也

壬午七月浙江巡撫趙申喬疏言浙省每科試卷一萬二千有奇舊例同考官僅十
三人不能偏閱請增三員禮部覆允併通行各直省如有試卷數多房考不足者題
明量行增加得 俞旨是科浙闈解額視江南之數并著為例

丙子予奉 命祭西嶽西鎮登鳳翔靈山靈巖寺見如來泥洹像諸弟子有悲泣者竊
以為疑適觀世說顧敷七歲嘗由忘情故泣未能忘情故泣尋味二語大有解會

香祖筆記

卷一

三

康熙庚辰夏六月二十八日蒙 恩賜 御書帶經堂扁額謹紀述於居易錄末卷
今年壬午四月六日再蒙 恩賜 御書信古齋扁額回憶戊午夏初蒙 恩賜存
誠格物二扁已二十五年矣二十五年中三蒙 御筆題 賜堂額榮寵踰涯宋學
士蘇易簡獲賜飛白玉堂之署四字一時輒侈為盛事臣之蒙 恩何啻什倍恭為
摹刻懸於蓬華之居而什襲 御墨於寶樓謹紀頒賜年月以示世世子孫勿忘報
稱云

壬午六月初九日 召集內閣九卿及翰林寺科道各部郎中四品以上官於
保和殿傳 上諭云尋章摘句華麗詞藻非帝王之本朕四十餘年惟日兢兢未嘗
少釋萬幾自警有始無終之誚念茲在茲也政事之暇頗好書射歷年以來所積臨
摹字幅 賜卿等觀之臣士禎得絹素大字一幅共二十七字云惟正是視玄黃匪
或非禮不觀像型是則慎爾所觀無愆斯德臨米芾首尾凡小重三曰淵鑒齋餘
白如康熙宸翰分一三勅幾清晏分一四是年七月二十三日恭紀

浙江鄉試廣額既奉 特旨凡行順天府尹錢晉錫上疏以京畿國學首善之地
請照浙江例增廣解額禮部覆准順天等府廣額十八國學八人奉天府一人宣化

府一人八旗滿洲蒙古三人漢軍一人共廣額二十人湖廣總督郭琇亦以湖南北
地大人眾援例疏請部覆准照浙江例廣十三人可謂一時右文盛事然止順天國
學浙湖三直省而他省督撫未及疏請部議遂未之及未免向隅矣至子鄉為 孔
子闕里所在解額六十名而至聖裔四氏學二人即在解額之內則視他省尤為未
均惜無言之者

梵言辟菴猶此言鐵鬼出大藏服字函

盤山拙菴和尙自江南還山以滄浪高唱畫冊來索題蓋師訪宋牧仲開府於吳
門適朱竹垞轉太史自禾中來會於滄浪亭共賦詩見懷而畫史高簡圖之者也宋
詩云青溝闢就老烟霞歟笠相過道路賒攜得一瓶豆苗菜盤山出來看三月牡丹
花因緣大事公能了潦倒巖官我自嗟好向滄浪亭子上梅檀香裡奉袈裟經行斜
日且觀魚黃鳥緡蠻入耳初接席金風舊亭長地懷人猿尾老尚書瓶春深玉版容
參悟歲晚花宮侍掃除拂子一揮仍小住空林明月暮鐘餘

提督山西學政翰林院侍讀汪灝以大同府人文勝前疏請撤去門字號照福浙總
督侍郎郭世隆三十六年題請臺灣一府撤去至字號與通省一體勻中之例部覆
得 旨允行

香祖筆記

卷一

四

得 旨允行

河南巡撫侍郎徐潮疏言二程子後裔五經博士程佳璠病廢請以其子程舉承襲
明弘治中京口人錢寶者善醫善遊齊魯間一老僧能卧大雪中雪為不積問其
年數百歲矣後至金陵居天界寺撫摩能療諸病後尹達頭客於錢氏錢偶言僧狀
尹曰吾師祖也別來久尚山恙耶已而尹去老僧復至京口錢為述尹語僧曰是吾
孫也徐出度牒示錢則唐大中四年所給已八百年矣僧奏人不知名字見外
唐時升叔達三易集有南翔八老人詩序云南翔里有八老人為社徐爵九十六趙
陸九十四陸淙八十五徐勳張樂俱八十四董儒八十三宋梓八十二陸球八十一
居止不一二里而耄耋相望日杯酒談笑相娛樂誠太平盛事也詩云白鶴村頭春
日曉香霧濛濛百花好蒼顏素髮八老人花前置酒相傾倒笑說鄰翁學語時追談
邑子知名早不知主客更勸酬爭引曾玄互提抱今年孟春甲子晴占云麻麥俱豐
成坐中祭酒九十六敬辭社翁旨且清其間迭起拜更祝但願脚健雙眸明桂林從
事八十一只聞喚弟無呼兄南村野翳桑榆日出且持杯歸散帙但課兒孫種黍苗
何知道士餐芝朮香山居士有遺篇九十不衰真地仙公等康健逢聖世能無旦莫

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>